

皆川政生自序

君姓皆川氏諱宗晴通稱政之允號淡齋其先遠出田原藤太秀鄉秀鄉二十  
二世長沼淡路守秀宗食封於下野皆川因始稱皆川氏君則秀宗十八世之  
裔也父曰定平道綱母字留野氏以明治九年十二月生於常陸那珂郡野口  
村自幼好學鄉間推重年弱冠而為野口小學校准訓導後轉任塩田小學校  
既而學業漸進慨然辭職負笈上京從文學博士栗田寬修和漢古學又依於  
善隣書院學清國語明治三十四年入早稻田大學專攻英語政治科同三十  
七年卒業適值日露啓豐皇軍越海遠戰朔北之野君乃奮然仕官召為陸軍  
通譯從征滿洲後一年以病辭任歸鄉靜養嗣又上京奉職早稻田大學清國  
留學生部寄宿舍舍監未幾宿病暴發溘焉而逝享年三十有一實明治三十  
九年十月二十日也越一月葬於台山先塋之側法諡曰光雲院釋淨明道照  
居士君資性謹直寡言敦行堅忍勤勉不屈不撓曾在學之日有時學費不敷  
君則力作自活苦學慘澹毫無倦色遂能畢業又曾參禪於鎌倉圓覺寺頗有  
所得今年方壯空抱才學永隔幽冥豈不悲哉余夙知君久矣因而記其梗概  
用傳不朽銘曰  
蓮台山上 一點之雪 月色影靜 淡如其人

早稻田大學學監法學博士高田早苗篆額  
早稻田大學清國留學生部主事青柳篤恒撰文并書



1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100